



**Les Fleurs Des Vies Des Saints Et Des Festes De Toute  
L'Annee, Suivant L'Usage Du Calendrier Romain Reforme**

Augmentees des Saints & Bien-heureux Peres Iesuites, de Saint Charles  
Borromeo, & de Sainte Françoise ; Avec le Martyrologe Romain, pour  
tous les iours de l'Annee ...

**Ribadeneyra, Pedro de**

**Paris, 1631**

xxiv La vie de s. Seruule pauvre & paralytique, Confesseur.

---

[urn:nbn:de:hbz:466:1-75777](https://nbn-resolving.org/urn:nbn:de:hbz:466:1-75777)



21. **DEC.** Ez quartiers de Lycie s. Themistocles martyr, s'estant presenté du temps de l'Empereur Dece, au lieu de s. Dioscore, lequel les persecuteurs cherchoient pour le mettre à mort, fut tourmenté sur le cheualet, traîné & battu à coups de bastons, tellement qu'il en mourut. A Treves deceda S. Severin Euesque & Confesseur.

22. **DEC.** A Rome au quartier qu'on appelloit entre les deux lauiers, trente martyrs furent massacrez sous en un iour, durant la persecution de Diocletian, Au mesme lieu S. Flavian, qui auoit esté prefet ou gouverneur du temps de Iulien l'Apostat, fut condamné, à recevoir certaines marques sur le front, qui estoit une des plus grandes ignominies qu'on pouuoit anciennement faire aux gens d'honneur, puis fut banny & enuoyé à certains bains de Toscane, ou il vendit l'ame en priant Dieu. A Ostia sur le Tybre moururent les saints martyrs Demetrie, Honoré & Flore. En Alexandrie S. Ischyron mesprisant toutes les iniures qu'on luy disoit, & outrages qu'on luy faisoit pour le contraindre de sacrifier aux Dieux, fut transpercé d'un gros pieu de bois tres-pointu, par le trauers du corps, duquel coup il mourut. En Bithynie sainte Theodore avec ses trois enfans, fut ietee dans une fournaise, du temps de l'Empereur Diocletian, & du prefet Nicceus. A Comidia S. Zenon soldat s'estant du temps de la mesme persecution, moqué de l'Empereur qui sacrifioit à Ceres, eut les machoires rompuës, les dents cassées, & la teste tranchée. En Egypte moururent les saints Chereon Euesque de Nilopolis & plusieurs autres martyrs, durant la persecution de Dece: les uns s'en estans fuyz & esgarrez d'un costé & d'autre par les deserts, furent tuez par les bestes sauvages, les autres perirent de faim, froid & autres maux. plusieurs furent massacrez par les barbares & voleurs, tous receurent la couronne du martyre.

### LA VIE DE SAINT SERVILE

pauvre & paralytique, Confesseur.

23. **DEC.**



E Pape saint Gregoire au 4. liure de ses Dialogues, chapitre 14. escrit la vie d'un pauvre mendiant, qui auoit esté toute sa vie paralytique & impotent, laquelle il repete en l'Home lie 15. sur les Euangiles, nous la mettrons icy afin que les pauvres se consolent, & les estropiez ou accablez de fascheuses maladies, ayent deuant les yeux vn bel exemple de patience. Le Pape expliquant ces paroles de S. Luc. Ceux-là sont ceux qui conseruent la parole qu'ils ont ouye en la terre d'un bon cœur, qui fructifient en patience, il dit ainsi. La bonne terre par la patience est rendue fertile: car tous les biens que nous faisons ne seruent de rien si nous ne scauons endurer esgallement les maux que nous receuons de tous nos prochains.

Tant plus l'homme s'aduançe en la vertu, tant plus il a à souffrir en ce monde, car diminuant l'amour des choses du monde, la contradiction du mesme monde s'augmente. De là vient que nous voyons plusieurs faire fort bié, & s'uer sous le faix d'un pesant ioug des tribulations du monde, & le cœur qui se sent deliuré des desirs terriens, se trouue foüetté de dures verges: mais ceux-là suiuians la parole de Dieu, fructifient par leur patience: car receuans humblement les coups, apres auoir esté battus, ils sont consolez & esseuez en lieu de repos ainsi on foule la vendange pour en tirer du vin, on presse les oliues

pour en exprimer l'huile, on bat la paille en l'aire pour en faire fortir le bled: Partant quiconque desire de vaincre parfaictement les vices, qui-D'EC il endure humblement les fouets que Dieu enuoye pour le purger, afin qu'il deuienne d'autant plus net deuant le Iuge, que la rouille de ses fautes sera mieux purifiée au feu de la tribulation.

Sous la porte par où l'on va à l'Eglise de saint Clement, il y auoit vn pauvre homme nommé Seruile que j'ay cogneu, & plusieurs aussi bien que moy, il estoit necessiteux, & sans aucuns moyens, mais riche de merites & atedié d'une longue maladie: car dès sa ieunesse iusqu'à la fin de ses iours, il fut paralytique, couché sur vn petit grabat, il ne faut pas dire qu'il nese pouuoit leuer du liët, veu mesme qu'il n'y pouuoit demeurer assis, ny porter la main à la bouche, ny se tourner d'un costé sur l'autre: il auoit sa mere, & vn frere qui l'assistoient & aidoint, par les mains desquels il donoit aux pauvres toute l'aumosne qu'on luy faisoit. Il ne scauoit rien, & faisoit acheter des liures de la sainte Escriture, & prioit les Religieux de les luy lire incessamment. De maniere qu'encore qu'il fust idiot, il apprint de la sainte Escriture ce qu'il en auoit besoin, selon son estat & sa condition. Il taschoit de remercier tousiours N. Seig. au milieu de ses douleurs, & de luy chanter iour & nuict des Hymnes & loüanges.

Le temps s'approcha auquel nostre Seigneur voulut remunerer sa patience, & le mal qui estoit espars en tous les membres du corps, se rallia autour du cœur. Il recogneur bien que l'heure de sa mort s'approchoit, & pria les pelerins qui estoient dans l'Hospital de se leuer, & chanter avec luy des Psalmes, attendant la bonne-heure de son trespas. Pendant qu'il chantoit avec les autres en l'agonie de la mort, il les retint, disant à haute voix, raisez-vous, n'entendez-vous pas l'harmonie qui retentit au ciel, son ame estant attentiuë à ce qu'elle auoit ouy, quitta ce corps tout brisé & consommé, pour s'enuoler avec les Anges: & le lieu fut remply d'une tres-suaue odeur, qui parfuma tous les assistans, lesquels creurent fermement que S. Seruile auoit esté conduit avec ce chœur des Anges, à la vie bien-heureuse & celeste. Vn de nos Religieux qui est encore en vie, s'y trouua present, & nous assoura en pleurant ce qu'il vid, & dit que luy & les autres assistans sentirent tousiours ceste suauë odeur, iusqu'à ce qu'ils eurent acheué de l'enterrer. Voila la fin de celuy qui eut tant de patience durant sa vie, pour endurer les verges de Dieu, & la bonne terre qui auoit esté labouree avec la charrue de la tribulation, fructifia & rapporta vne riche moisson, qui fut mise dans la grange de nostre Seigneur.

Mais ie vous prie, mes tres-chers freres en nostre Seigneur (adiouste saint Gregoire) comment pensez-vous, que nous nous puissions excuser au iour du iugement rigoureux, ayans receu des pieds, & des mains pour travailler, & acômplir les commandemens de Dieu, &



LA NATIVITE DE NOSTRE  
Seigneur Iesus-Christ.

25.  
DEC.

**N**ous deuons principalement con- siderer trois choses en cestes deuot & tres- suau mystere de la naissance de nostre Redempteur Iesus-Christ, quand il sortit au monde des tres-pures entrailles de la Vierge Marie. La premiere, pourquoy ce Seigneur & Dieu immortel, ayant resolu par sa bonte infinie, de se reuestir de nostre chair mortelle, & s'allier de nostre nature, voulut naistre en vne extreme pauureté, en vne tres-profonde & penible humilité, dans le portail de Bethleem, & estre couché dans la creiche des bestes. La seconde, c'est de considerer attentiuement l'histoire Euangelique, & par quelle maniere ce Seigneur naquit. Et la troisieme, les exemples qu'il nous a donnez en naissant, & les vertus qui reluisent le plus en luy, lesquelles nous deuons imiter.

Les causes pour lesquelles cét excellent & infiny bien, ce Roy souuerain de toute creature descendit du ciel en terre, & n'eut point d'honneur d'empréter nostre nature, ont esté traictées (selon nostre petite capacité) en la feste de l'Annonciation de nostre Dame, qui est le vingt-cinquiesme de Mars: encore que tout ce qui s'en dit n'est rien, ny tout ce qu'on scauroit dire d'un si haut, ineffable & incomprehensible mystere.

Laissons donc à part les raisons & motifs qu'eut nostre Seigneur de se faire homme, & se ve- stir du sac de nostre chair, respondons à ceux qui s'esmerueillent pourquoy il ne naquit en grande pompe, avec de beaux preparatifs de delices & commoditez, comme vn Roy du Ciel & de la terre, qui pouuoit choisir & prédre tout ce qu'il vouloit. Et combien qu'estant né en ceste façon, avec tât de pauureté, nudité & vilité de l'estable, en vn temps si rude, nous ne scaurions douter, si non qu'il falloit que cela fust ainsi, & que ceste maniere de sa Natiuité a esté meilleure. Neantmoins les ames deuotes, & desireuses de scaouir les mysteres de N. Seig. desireroient d'entendre le fuit pour lequel il fit cela, qui sans doute espou- uenta le ciel & la terre, & rendit toutes les crea- tures bien esbahies, Nous trouuons deux causes de ceste admirable pauureté, incomprehensible humilité & austerité, en laquelle N. Seig. naquit (ausquelles toutes les ceuures de Dieu se doiuent reduire, comme à leurs propres fins) la premiere c'est la gloire de sa maiesté diuine; la 2. c'est nostre vtilité, parce que Dieu en ses ceuures patmy l'honneur & exaltatio de son S. Nom messe touf- jours nostre profit. La gloire de N. Seig. se mani- feste sans doute d'auatage en ceste humilité, pau- ureté, & descouuerture qu'il naquit, que s'il fut né avec tous les preparatifs & magnificences royales, abondance & superfluité des choses necessaires pour l'accouchemēt, qui se trouuēt es

ne le faisons pas, attendu qu'un homme impuif- sant s'employa si serieuement à son seruice: no- stre Seigneur ne nous reprendra pas alors par l'exemple de ses Apostres, qui conuertirent tant d'ames par leur predication, & les conduirent avec eux au ciel. Il ne nous oppofera point les valeureux martyrs qui ont acheté la couronne de gloire au prix de leur sang, ains ce pauvre Seruile qui ayant les bras liez par maladie, les auoit deliurez à bien faire: & à accomplir la loy de Dieu.

Voila ce que dict saint gregoire en l'Home- lie 15. sur les Euangiles. Les martyrologes font mention de saint Seruile: nostre Seigneur fit par luy beaucoup de miracles: & en l'Eglise de saint Clement de Rome on peignit sa vie, ainsi que dit le Cardinal Baronius es Annotations sur le martyrologe, le vingt-troisieme de Decem- bre.

*A Rome sainte victoire vierge & martyre, du temps de l'Empereur deee, estant fiancée a vn Payen nommé Eugene, & ne voulant espouser, ny sacrifier aux faux Dieux, apres auoir fait plusieurs miracles, par le moyen desquels elle assen- bla plusieurs vierges, lesquelles se vouerent à Dieu; fut à la sollicitation de son fiancé, frappée d'as le cœur d'un coup d'espee, par la main du bourreau. A Comidia moururent vingt saints personnages, que la persecution de Diocletian tourmenta si grie- uement, qu'elle les fit martyrs de Iesus-Christ. Au meisme lieu endurerent les saints Migdome & Mardonie: l'un durant la meisme persecution fut bruslé, l'autre ietté dans vne fosse, ou il mourut. Au meisme temps enuira le Diacre de saint Antime Euesque de Comidia, lequel portant des lettres aux martyrs, fut surpris par les Gentils, & s'estant monsté fort libre à parler, eut la langue couppee, & puis fut accablé de pierres. En l'Isle de Candie decederent les saints martyrs Theodule, Saturnin, Eu- ptre, Gelais, Eunician, Zoticque, Cicomense, Agathope ou Bon- pié, Basilides & Euariste, lesquels apres auoir souffert plusieurs ornautes, eurent la teste trenchee durant la persecution de deee. A Rome trespassa saint Seruile duquel saint Gregoire escri- uant dit, que des son ieune age iusques à la fin, il fut toujours paralytique, & mourant entendit les voix & Cantiques des anges qui l'innuioient à la gloire.*

*La vigile de la Natiuité de Nostre Seigneur & Sauueur Iesus-Christ. En Antioche trespasserent quarante saintes vier- ges, lesquelles durant la ptesecution de deee, endurerent diuers martyres. A Spolere saint Gregoire prestre & martyr, fut du temps des Empereurs Diocletian & Maximian, en premier lieu battu cruellement de bastons noueus sur le dos & sur le ventre, puis lié sur vn gril de fer, & le feu dessus, derchef mené en prison, battu sur les genoux avec certains charadons de fer, bruslé de tous costez avec des lampes ardantes, & en fin decolé. A Tri- poli moururent les saints martyrs Lucian, Metropie, Paul, ze- noble, Theotime & Druse. A Comidia saint Euthyme martyr, lequel du temps de l'Empereur Diocletian, ayant par ses bonnes admonitions, disposé plusieurs Chrestiens au martyre, receut vn coup d'espee à trauers le corps, par le moyen duquel il les suiuit pour obtenir la couronne. A Bourdeaux saint Dauphin eues- que, lequel du temps de Theodose fut renomme pour sa sainte- té. A Rome deceda sainte Thrasile vierge, tante de saint Gre- goire Pape, de laquelle escriuant il tesmoigne qu'à l'heure de la mort elle veid Iesus-Christ venir à soy. A Treues sainte Irmine vierge, fille du Roy Dagobert.*